

陝縣志卷二十

歐陽珍編次

藝文

自班固本七略而志藝文列錄古今書目隋書經籍志唐書藝文志皆踵之其後爲方志者亦多用其義例而志藝文以存一方文獻自章學誠和州永清諸志出其體始尊陝縣舊志藝文雜採奏疏傳狀詩賦等文殊爲蕪濫今以列傳還諸人物碑銘之可拓者列入金石其餘概入文徵而以鄉賢之專著勒爲藝文佚者錄其目存而可考者則略述內容使來者知其梗概焉

唐

象溪子二十卷

姚巖傑著

宋

草堂集十卷

魏野著野爲宋高士其詩存者錄入詩徵

陝縣志

卷二十

一

明

常惺惺所稿十卷

王以悟著分陝張而訥輯錄雒陽張孔訓編次刊於天啟三年傳本甚稀初以悟嘗師事新安孟雲浦垂二十年雲浦傳洛陽尤西川之學西川師事泰和劉晴川晴川受學陽明卒業於鄒東廓事見明儒學案故以悟學有淵源講習要旨在知行合一蓋洛西自先儒曹月川而後尤孟繼起講學一時蔚爲風氣而以悟實集其成至今故老猶能言之惜其書流傳未廣明儒學案未獲列入故世鮮有知者

解縛編二卷

王以悟著內選集程朱陽明白沙之詩而加以釋解多超悟處

百將傳 乾象考 歲寒松栢論

崔儒秀著按儒秀當啟禎之際備兵遼陽日思禦敵所著百將傳乾象考皆關心明社之作然知其不可爲而卒以身殉是殆孔明所謂力爭氣數者惜其書散佚其詳不可得而聞但據其人之忠義當非空談無用者比也所著歲寒松栢論歷叙古忠臣烈士成仁取義爲國犧牲讀之足以振衰起廢今尙流傳

秋窗漫錄

趙完壁著

易經正解

衛三省著

詩經精義淵源

何應奇著

清

四書集解 道善堂文集 雞足山詩集

張鷟著

嵩樂堂文集

張克廣著

周易註解 靖寇管窺

水確摯著

尚書問答 期善類集 一得識 聞所未聞錄 奇聞叢錄

陝縣志

卷二十

二

王體仁著體仁善談名理其文存者世多傳誦書多散軼

尚書古文辨惑二十二卷

張諧之著初閻百詩嘗疑尚書古文二十五篇為偽書作尚書古文疏證八卷證明其為晚出謂為不古不今非伏非孔而欲別為一家之學清代言漢學者多宗之諧之嘗從芮城薛仁齋遊成進士後觀政兵曹又與王子涵倭良峯吳竹如等相過從服膺程朱之學甚至其著是書蓋針對閻百詩之疏證及一時言漢學者而發其辨閻百詩以張霸偽書二十四篇合鄭氏注書三十三篇為真古文其謬有十一事而詆古文二十五篇為偽書不可不辨可為專言考據者下一鍼砭云書刻於光緒末葉甫竣而諧之卒藏於家

關妄錄二卷

張諧之著戴東原嘗著原善論性及孟子字義疏證謂宋儒言性言理言道言才言誠言明言權言仁義禮智言智仁勇皆非六經孔孟之旨諧之譏其拾漢儒之緒餘以六書訓詁之遺而詆程朱義理之正殊為妄作因著關妄錄二卷以伸其說

困學錄 歸田錄 讀近思錄 讀朱日鈔

張諧之著對於程朱之學多所發明
讀書記疑四卷

張諧之著一讀袁保慶自艾瑣言二讀劉應標之簡貫易引三讀王守恭之冬巢錄四讀王子涵之閭脩記多有闡發糾正之處

讀史隨筆三冊 歷代紀年錄

張諧之著隨筆僅存讀史記三國志之部

碣陽鄉甲小試錄四卷

張諧之著首卷爲辦理鄉甲稟示一卷爲鄉甲章程二爲勸約三爲禁約頗切實用

陝州考古錄

張諧之著對於陝州古蹟沿革多所攷證

論語序說集解 儒宗近思編

張諧之著

敬齋存稿四卷 敬齋詩文集 東明紀行

張諧之著

陝縣志

卷二十

三

農醫寓意

甯元善著大旨言農醫二者通於治道

大荒私記一名丁戊紀災

甯元善著內分二十三篇一天時二地界三道梗四盜患五官法六村條七人事八商販九穀價十民食十一氣類之傷十二死亡之慘十三瘟疫之大十四貨梗之難十五貧富之變十六配合之苟十七陷溺之甚十八生存之微十九先後輕重之差二十遠近難易之別二十一荒蕪之地二十二賑濟之時二十三征求之事蓋陝州光緒丁丑戊寅之大饑自明崇禎戊寅己卯後其慘酷爲二百餘年所未有陝人鮮有記其事者此書爲極可寶貴之史料聞前州牧黃璟曾付梓但刻本未傳

長齋志異

甯元善著自光緒四年至光緒十五年之陝州大事記

侯村村規附執事吟五知吟

甯元善著內分鄉保村長知業知教知禁知防知工七大綱並細目數十則大抵取程子治晉城陳先生治仙居及呂氏鄉約朱子社倉之法會而通之期於化民成俗開物

成務可備今日鄉村自治之參攷
疑問冊 親炙仁齋記

甯元善著爲與薛仁齋講學語錄
甯長齋光生遺集

甯元善著爲學術思想之作言近程朱而有活氣曾經薛仁齋批訂者
甯長齋詩文集三冊

甯元善著一爲詩二爲賦三爲雜文

梁良齋先生遺集四卷

梁殿象著卷一詩卷二書卷三雜著卷四序說牛兆濂序曰先生生平無一念不關懷
民物慨正學不明外患日偪嘗欲集會同人本橫渠井田學校遺意爲存道存身之計
篇中蓋三致意焉

備質錄八冊

兀煥勳著王薪傳叙曰所著備質錄博大精深會萃諸家而以程朱爲宗於士習民風
大有裨益可謂知言

陝縣志

卷二十

四

惑遇錄六冊 詩文集四冊

兀煥勳著

易象援古歌

兀煥勳著

鄉土瑣言

陳采風著記鄉土水山道路人物古蹟提要以訓蒙者

中華二十四朝紀略

陳采風著

易說三種十二冊

郭維國著

禮先詩集三冊 日記五冊

郭維國著詩淡遠近白香山

提省集 一貫發明 備質錄稿 兒訓類編 援古證圖錄

兀南薰著

西行錄 葫蘆笑譜 菊農存稿

杜景暹著

兵法十三家類要

張坤著分將師計謀將兵料敵臨敵五篇凡一百六十七節而以十三家兵法證實之附以歷代英雄關係兵法事略表都七十八家張象明序云其學說雖取諸古人其用意則別具隻眼蓋兵家之圭臬云

左傳分類

張坤著

中西醫學串解

張坤著

陝縣鄉土志

張坤著

孫子禰解 紀災雜詠

蔡大中著自序有云清帝退位共和成立各省之割據未解地方之盜匪蔓延杞人之

陝縣志

卷二十

五

憂轉倍疇昔因取孫子十家注讀之或于句前或于句後只襯三五字或三五句期于簡明以爲易解便記而已非敢捋美古人以自炫也

蒼崖文稿三卷 蒼崖詩稿一卷

薛勉著詩文多峭勁閱肆爲士林所傳誦

筱棠日記 筱棠詩文集

戚以敬著

按茲編皆由新採稿本及搜求逸聞而成者而舊志無是也復散佚其半僅存其目蓋文獻之失傳久矣文化增進不亦難乎後有作者當知所從事矣

陝縣志第六冊勘誤表

卷數	頁數	行數	正誤
十八	三六	二六	「減己」誤爲「減已」
	三七	四	「減己」誤爲「減已」
	三八	四	「己出」誤爲「已出」
		二十	「己出」誤爲「已出」
十九	三九	二二	「藜藿」誤爲「藜霍」
	四十	二五	「幼嫻」誤爲「幼嫻」
	六	五	「性貞」誤爲「姓貞」
	七	十七	「征戍」誤爲「征戌」
		五	「郡縣」下多「中」字
二十	十二	十八	「與民」誤爲「於民」
	五	二七	「司」字下脫「馬」字
		四	「將帥」誤爲「將師」